

蓮公大士淨語

淨空學

淨語序上卷

- 單提一念人難信，直至離念始不疑。欲知離念真境界，唯尚一念乃發機。
- 真佛徒必能勤儉愛國，真佛徒必能嚴守戒律，真佛徒必能全心全意為人民服務。凡與上數則相反者，皆係邪見謬種，波旬眷屬，非本師迦文教下人也。
- 佛法中惟淨土宗可以三根普被，因其於一切時一切處，皆能不離佛法而行世法，不廢世法而證佛法。
- 禪密淨土相即不二，皆圓滿究竟總持陀羅尼微妙章句。

再題指月錄答艮齋

- 業海猛回頭 何能敵生死 何堪再蹉跎 南無無量壽
一門深入去 誓欲出娑婆 一卷六字經 共念阿彌陀

幻余吟

- 垂老幸知歸宿處 一聲佛號海全潮
- 文章兩漢詩三唐 性理程朱到陸王 教下宗門忙不了
之乎者也誤時光
- 閉門禮誦學齋公 苦樂忙閑一句中
- 古有真修百不管 我今願學百不知 清磬數聲香一炷
華池寶樹影遲遲
- 自呼自醒還自知 念佛見佛成佛時 三際一心無先後

馬鳴龍樹是吾師

- 聞薰聞修經有訓 心作心是我無疑 聽佛軒中銘座語
拈香先禮雁門師
- 客來不必問如何 靜對焚香念彌陀 一句彌陀非是少 遍窮
三藏未云多
- 戒定慧學三無漏 信願行三是資糧 我有神通三妙用 持名
頂禮更焚香
- 甫晨已午又斜陽 誰向時光惜命光 人自談心我念佛 任他
掩口笑顏唐

自課

- 念佛緣何尚未熟 思量卜度誤功夫 掃淨狐疑老實念
更莫模糊掐數珠
- 唇皮雖動意紛紜 已尚不聞佛豈聞 真念始能得真感
自欺只可引魔軍
- 念來字句用心聽 自喚自醒還自應 妄想千般都莫管
聲聲佛號要分明
- 廣明教理疑方去 我在佛光中念佛 佛念念心心念佛
若待融通是兩物
- 依正莊嚴是妙有 一心稱念是真空 即境即心成絕待
稍存能所非圓融

答人問話且自勸也

- 人生多病未堪羞 有病不知最足憂 久歷歧途識甘苦
荊榛叢裏我回頭
- 但盡凡情無聖解 須知聖解即凡情 掃除見網談何易

才說掃除見已生

- 不貪玄妙不求奇 莫討便宜莫自欺 識得平常見玄妙
真能老實是便宜
- 雙眼若明行自穩 三心未發信非深
- 欲得八風吹不動 須從一句定綱宗
- 行人各自有因緣 把手強牽總枉然 滿地蓬蒿付灰燼
始堪耕種作良田

兒憶母

- 天涯踏遍漸知非佛 外別無向上機 欲報親恩惟念佛
幾回西望淚沾衣

勸戒

- 持來淨器方盛乳 失去戒珠易入魔 身口未嚴禮懺廢
波旬鼓掌笑呵呵
- 縱未全持先戒殺 戒殺尚難說甚麼 此心已與佛相背
安得慈尊願力加
- 果報相尋事可哀 誰從因地識輪迴 漫天劫火炎炎裏
都自殺生一念來

寄雷生

- 今日相酬唯一語 須知淨土外無禪

客笑

- 手中一串菩提子 拈起依然個個圓

戒嗔

- 喜怒由心豈在境 如何學道苦生嗔

大病中口占二偈辭世

- 生已無可戀死亦奚足厭 本來無生死 生死由心現
- 了知諸法空 始信一切有 西方有極樂 有佛無量壽

問東答西

- 蓮居佛法無多子 僅識西方路一條
- 淨不須禪禪須淨
- 不是風兮不是幡 思量擬議隔重關 何勞更舉無生話
一句彌陀萬境閑
- 有人問我西來意 合掌向西念慈尊 我只歸元無二路
任他方便有多門
- 共說修行須徑路 徑中捷徑唯西方 曹溪賸語人人曉
放下壇經細酌量
- 普被三根濟三有 圓超圓攝無量門 誰能自念勸人念
是即名為報佛恩

題天青蕉白荷盤研

- 洗淨世間文字習 寫經畫佛傍蓮池

無悶

- 浮生有境終歸幻 除卻蓮邦未可居

今昔

- 白業堂前新活計 華池學種未開蓮

聽佛軒課餘宴坐

- 病久確知念佛好 魔多反使道心堅
- 每將妄習從心洗 漸覺佛聲逐念圓 動靜相依清淨戒

根塵齊攝寶王禪 樂邦苦海歷然在 何去何從莫問天
經行

- 少壯俄頃老病侵 幾人未老惜分陰 樂邦路穩牽誰走
世道歧多聽自尋
- 幸有一長唯念佛 了無可說且觀心 空堂叉手經行久
忘卻秋宵月滿林

家人晚課

- 鬧市聲中念佛堂 一家淨課晚琅琅 譚玄不學龐居士
自有蓮風四面香
- 聖解凡情不用消 洪名才舉海吞潮 自他三世何曾隔
萬億途程未是遙

幻余室幻語，運兒節錄第五卷，舉似省元禪師。頗蒙印可，題二偈，賦此

報謝

- 縱能離念還須念 不念彌陀念阿誰 眾生無盡願無盡
念佛何嘗有已時

奈爾何

- 不念彌陀念六趣 非歸淨土歸娑婆 兩條道路分明甚
背佛趨魔奈爾何
- 此事本來也太奇 頓教一念越三祇 佛云難信誠難信
萬億人中一二知

答任城靳良齋居士

- 放下昔年舊葛藤 鈍根久不慕傳燈 尚餘一句彌陀在 萬法

皆空愧未能

- 根器如斯敢自欺 和盤托出報君知
- 六字真經含萬象 照破無明從此始
- 曾修止觀禮天台 枯坐經年解未開 那知三觀三摩地 都自
一心一句來
- 地水火風悉是假 生老病死又成空 中道畢竟在何處
一句彌陀空假中 堅云念佛勝參禪 馳求我更尋方便
念久原來在佛邊 顯密圓通佛一句 千潭月朗水同清
我甘老實依蓮池 除卻阿彌總不知 念念洪名大圓鏡
聲聲佛號水清珠 無量壽光體相用 更于何處見真如
- 千聖齊臨遮不住 萬牛共挽豈回頭 虛空縱令有時盡
我此持名永未休
- 宗乘教海兩汪洋 那有功夫論短長 八教五宗吞一口
持名而外更何商 能知怯弱勝輕狂 願切行專鐵變鋼
莫負淨宗真法乳 梁唐兩譯細參詳
- 都攝六根學勢至 返聞自性奉觀音 此真我佛異方便
向上一機莫漫尋
- 能念心外別無佛 所念佛外豈有心 直指單傳無過此
莫將落葉作黃金 此事豈容再蹉跎 快哉一語抵長歌
若要不墜蹉跎路 只有彌陀念得多 若人專念彌陀佛
是名無上深妙禪 真傳教內分明在 教外何須慕別傳

卜居示兒

- 福地須從心地卜 祥光每集德人廬 了緣未易且隨緣

借鏡觀心境自寬 蒲團坐破乾坤小 佛號持純妄念單

贈某居士

- 從古詩人妄想多 珍重餘光多念佛
- 若問如何出愛河 只有彌陀念得多 念熟方能登樂土
倘生不免墮娑婆
- 誤人第一是多疑 疑網纏心不易知 勘破疑魔勤念佛
功純自有佛加持 道力須從境上煉 不是閑話說一場
子細思量無別術 單提一念要勤專 念佛不難斷疑難
疑根便是鐵圍山 煉得此心頑似鐵 風吹雨打不相干
- 全身是夢何須說 執夢為真更笑人 般般過去都成夢
只有當前一言真
- 疑心淨盡見真心 凡聖良莠一念分 全在功夫綿密處
非關慧解與多聞
- 病根深處無須諱 肯念彌陀已得醫 萬行莊嚴勤警惕
念頭才起願王知 生處熟時熟自生 熟來一念也相應
- 無心始可登覺路 有口只宜念彌陀 佛號萬千猶患少
世緣半句已嫌多

元 哩 月蓮觀

- 果能觀自在 即得見如來

學法

- 佛法貴精不貴多 洪濤萬里一帆過 竹頭木屑空飄泊

不解成舟難渡河

- 佛法貴精不貴多 也應多裏廣搜羅 剝蕉釀蜜絲抽繭
杵欲成針須耐磨

會校無量壽經粗竣敬題二偈

- 傳譯獨多來最先 五年讀校亦前緣 慈尊加被成斯本
遍放神光照大千
- 此是淨宗第一經 詳賅圓頓括三乘 若非夙植福兼慧
雖欲暫聞亦不能

淨語下卷

釋迦佛贊

釋迦尊 號覺皇 覺行圓滿難量 娑婆業海作舟航
轉法輪 開寶藏 九界導師人天仰 破妄顯示真常
諸佛稱贊遍十方徑路指樂邦 大恩大德不可忘
惟有勤宣揚

長壽佛贊

無量壽 甘露王 威德願力難量 洪名虔稱消災障
化火宅 為清涼 菩提心中接佛光 福慧善根自長
一向專念莫徬徨 勤熏戒定香 信願行三是資糧
苦海得慈航

觀世音菩薩贊

觀世音 聖中尊 大悲願力宏深 廣度群生出苦輪
證圓通 伏聞熏 稱名無刹不現身 循聲妙應普門
常念消罪滅貪嗔 全憑信念真 潭清風定月始臨
靈感在自心

大勢至菩薩贊

大勢至 淨宗尊 特倡念佛法門 西方三聖為等倫
主彌陀 伴觀音 智光常護念佛人 震伏一切魔軍
淨念相繼攝六根 果覺為因心 橫超三界妙難論
宏法報佛恩

地藏王菩薩贊

菩薩尊 地藏王 大願大力難量 金錫寶珠莊嚴相

拔惡苦 利冥陽 果海逆流悲願強 弘誓普救十方
歸命懺悔免災殃 慧日消嚴霜 心若空時罪亦亡
離苦往樂邦

長壽懺五時回向頌

- 梵唄音聲 和雅肅靜 清暢哀亮表至誠 諸佛為證明
聲遍法界 普利諸有情
- 如來世尊 眾聖中王 分身濟物現道場 天人咸歸仰
慈悲願力 攝化遍十方
- 能知慚愧 即是善根 願切行專在信深 業淨須功純
破妄顯真 決定出迷津
- 業海茫茫 苦惱無量 惟憑佛法作津梁 攝入如來藏
破除三障 同仰智慧光
- 寶王三昧 禮懺道場 功德殊勝妙難量 滅罪消災障
福壽增長 六時恒吉祥

佛光三昧頌

- 無邊無礙無等光 智慧常照清淨光 歡喜解脫安隱光
超日月光難思光 有緣幸遇此光者 垢滅善生得解脫
- 諸佛秘密甚深法 曠劫修行今乃得 若人開明此法門
一切諸佛皆隨喜

淨宗徑 其一

- 有大善根智慧 始願念佛往生
定要極樂現前 堅持萬德洪名
由他妄想紛擾 我只字句分明

最忌矜躁卜度 但期自矢精誠
 泯絕人我知見 專顧正念直行
 樹喧每因風起 月現都為波清

淨宗徑 其二

- 一句六字真經 循環莫教暫停
- 無論苦樂動靜 耳邊歷歷佛聲
- 防被境緣牽轉 如護生鳥風燈
- 分別即是魔網 菩提不染凡情
- 從容綿密做去 功純念念圓成
- 此乃徑中捷徑 何須更覓途程

專勤堅久偈

萬德洪名	牢牢把守	心不離佛	佛不離口
行住坐臥	珠不離手	句句懇切	字字不苟
唯專唯勤	必堅必久	聲滿天地	光涵星斗
獨修良佳	勿強人偶	勿背良師	勿近惡友
理辨邪正	言少藏否	善皆可法	何問誰某
恩怨紛紜	等是空花	夢中說夢	何分好醜
世間萬事	甘讓人先	信願持名	決不落後
果能心口	字字相應	淨宗功夫	十得八九
果能念到	心境如一	方知真空	不離妙有

光明百字箴

佛光灌我頂 甘露遍我體 頭臂胸脅腰 股脛達足底
 外皮膚毛孔 內臟腑骨髓 一被甘露明 垢障悉除已

冤對鬼神煞 惡報凶災劫 病苦與魔惱 從此永消滅
正念常現前 更莫造新業 身心頓清淨 熒若琉璃瓶
善根時時長 福德智慧增 信心日堅固 靈感妙難思
莫忘四弘誓 自有佛加持

冬夜讀道德陰符參同悟真漫說一偈

禪淨密 攝一句 千萬劫 難遭遇 迷即凡 悟即佛
忘是迷 念是悟 宜自珍 莫蹉誤 直念去 在覺路

佛歡喜日課餘偶說

彌陀教我念彌陀 最極圓頓了義語
專念當前這一句 萬法歸元無二路

迦陵音

- 六字四魚一聲磬 磬聲定與陀字并
錯落模糊缺誠敬 初快後慢尤為病
佛號魚磬穩相稱 勻靜綿密心不競
互融互攝以心聽 聽久轉凡能入聖
聞薰聞修聞自性 一根還原諸根淨
此是蓮宗真途徑 純以音聲續慧命
統收八教無餘賸 唯佛與佛乃究竟
不浮不沉不躑躅 愈準愈穩愈精瑩
三月忘疲有餘興 皆緣魚磬得其柄
恪守遺規何敢縱 妄念全憑音節控
懇切聯貫無隙縫 務使字字不落空
清暢哀亮忘伯仲 梵韻自然如鳴鳳

- 要知節拍即妙用 神奧不與他宗共
- 末法眾生慣欺哄 言論往往不由衷
背則嘲譏面則頌 或復顛預學籠統
 - 中歲參禪驢窺井 狂來幾躡毗盧頂
教乘算沙枉說餅 學密徒知希聖境
習定修觀意強屏 坐沉死水弄光景
向外馳求不得逞 臘味嘗透念冰冷
苦海欲出無引綆 大經一捲遇救艇
踏遍天涯空馳騁 回頭那知金在礦
從此心燈常炯炯 宛似初月升東嶺
追憶前塵如夢影 夢中說夢夢未醒
- 吁嗟乎淨宗易行不易懂 往昔窺天恃一孔
究理漸深漆破桶 乃知萬法此其總
如貧得寶喜欲踊 撫臂勿失手堅捧
夙世微善薰成種 鳥將出籠丹化汞
敢云八風吹不動 念茲在茲口常嘖
- 一門深入絕繁冗 那有餘閑爭榮寵
欲得世界真寧靖 須從人心先調整
 - 身口意三相涵泳 煉之以動養以靜
信深願切勤且永 自然成片如釘錠
 - 法門無量雖平等 如說行者乃得拯
他年花開彈指頃 十萬億程元非迴

在極樂庵念佛道場作 其一

- 念佛最忌 精神渙散 字句模糊 先快後慢 既無音節
又不聯貫 心不應口 聲不攝念 輕忽養識 古德所嘆
如此念法 永難成片

在極樂庵念佛道場作 其二

- 聲和韻穩 字正音圓 懇切綿密 沉著安閑 聲合乎心
心應乎聲 心聲相依 妄念自清

在極樂庵念佛道場作 其三

- 佛號如珠 念頭如線 分則各離 合則成串 心不離佛
口不離念 如線貫珠 相繼不斷

在極樂庵念佛道場作 其四

- 未能一心 先求專念 未能不亂 先學成片 真勤真專
功效自見 無須問人 還請自驗

聽佛軒記

- 法門無量 要在明心 功高易進 無如念佛
- 欲成三昧 先修耳根 一切時中 佛號歷然
- 聲不越竅 耳聽常滿 隨緣自在 聞性內熏
- 思專想寂 滯情融朗 佛是本覺 念是始覺
- 以念啟聞 以聞修念 聞即是念 念成於聞
- 有念必聞 無聞非念 有念念息 無聞聞盡
- 但能聲聲喚醒自己 即是念念常覺 但能不隨顛倒
即是翻破無明

直念去

- 彌陀教我念彌陀 口念彌陀聽彌陀 彌陀彌陀直念去

原來彌陀念彌陀

晝夜念佛道場中率成三偈供養大眾

- 只此一句佛 儼然六字經 一佛圓萬德 六字括三乘
善信齊力念 名號同口稱 此方真教體 大要在心聽
何須問靈感 但期矢精誠 龍天普護持 有若影隨形
- 心光遍法界 佛聲滿虛空 我在佛光內 佛現我心中
自他何曾隔 顯密本圓通 橫既賅八教 頓復攝五宗
- 甚深難信法 自慶得遭逢 行住坐臥處 精勤用專功
種種差別見 都向一念融
- 既念彌陀號 當行如來行 一覺一切覺 一成一切成
一念一切念 一聲一切聲 心淨佛土淨 心平世界平

深妙禪偈

- 有大福德始念佛 發菩提心修十善 佛說無上深妙禪
淺人當作淺法看
- 四儀莊嚴三業淨 堅守重戒勿少犯 打破人我是非關
放下生平閑知見
- 談玄說妙不相干 三字真傳老實念 只此即是長夜燈
苦海慈航斬魔劍
- 要拔多劫生死根 直拼此身作呆漢 五宗八教一句收
切莫念外覓方便
- 過緩過急同是病 強想一心心愈亂 志堅如鋼氣如綿
不間不雜自成片
- 因心果佛互感應 根身器界潛轉換 煩惱未伏念不一

習氣不除佛不現

題龔伯衡居士遺像

- 宿業所招 何怨何尤 孰為是非 遑論恩仇 逝波殘照
暮鼓晨鐘 處處相告 無常苦空 閱盡滄桑 此心轉定
- 多生病根 煩惱習氣 借此調伏 莫留餘地 病是良師
身為苦本 此關不透 爭得法忍
- 學佛三天 佛在眼前 學佛三年 佛在天邊 乃知此事
非同兒戲
- 道味果親 世緣自疏 心不離佛 珠不離手 苦樂動靜
佛不離口
- 願王為導 決往樂邦
- 甫晨已午 又見斜陽 一寸時光 一寸命光 忙處欲閑
閑時須忙 末後一著 早自主張
- 乃知此法 直捷簡易 至圓至頓 究竟了義 橫該八教
統攝五宗 即心即境 非幡非風 千經共指 萬善同歸
曲為中下 專接大機
- 樂天晚年 專念彌陀 西方公據 徒傳東坡 未遑專修
不無遺恨
- 永離塵垢 莫戀人天 逕往華池 早開寶蓮 一聲佛號
是究竟道 下士聞之 哈哈大笑
- 西方有佛 號無量壽 一句現前 萬緣齊斷

老實念

- 但只老實念 不必問如何 莫管同與異 休論自與他

止貴願力強 那怕妄想多 散亂固成病 分別易入魔
境緣無好醜 佛號一掃過 句句念能真 決定出娑婆

一念融

- 口說極樂邦 心戀娑婆界 如此念彌陀 佛在西方外
- 佛自我心現 我在佛光中 念佛佛念我 根境一念融

念佛偈

- 一聲佛號一聲心 念念彌陀攝六根 字句分明耳應口
凡情消處見慈尊

挽現明法師

- 老僧六十更何求 甘為群生作馬牛 此即迦文真法乳
人間謗贊等悠悠
- 眼光照破四天下 火內栽成五色蓮
- 拖泥帶水嘲人易 玉潔金堅律自難 寄語同修各猛省
魔風劫火正彌漫

挽宗月法師

- 成佛還須先作人 憑將忠孝顯空門 十方贊嘆龍天敬
即是名為報佛恩

挽印光法師

- 法音宣流 令得殊勝利益安樂 慈悲嘉祐
成就如是功德莊嚴

挽慈舟法師

教演賢首 行視匡山 瓣香蓮池 折衷蕩益
以上宏下化 護持心燈 不矜奇 不立異

堅秉清規遵祖訓 講經數十座 七眾弟子幾萬餘
成就慧身 非由他悟 今竟去 去則實不去
緇素共含悲 各宜自珍期嗣響
律闡終南 宗承臨濟 北鄰紅螺 東接靈岩
以六信三學 莊嚴淨土 見得到 說得出
力誠佛法作人情 戒臘四八年 五色舍利兩千粒
益征妙有 能顯真空 志往生 生則決定生
聖凡齊贊嘆 群祝乘願希再來

挽萬慧法師

- 是大丈夫事 等閒未易知
- 從來真佛子 原不忘眾生
- 了知諸法空 始信一切有 西方有極樂 有佛無量壽

王一葉撰渠園先生詩集序之殘稿

- 冥心孤往 所嗜唯學
- 冷眼觀世 見理獨真
- 面冷腸熱 語苦心慈
- 朗如秋月 化若春風

淨空法師專集網站(簡)製作

2017/10/20 修訂